

仅供阅读 请勿侵权

北海文史

第十三辑

## 金石碑碣

### 南珠碑林序

北海古属合浦郡县，环海产珠，盖汉孟尝还珠旧浦也。清屈大均云合浦珠名南珠，品质为东珠西珠所不如。故南珠为世所弥珍。地以南珠名彰，珠因合浦价重。货珠揽胜，商旅踵踪。改革开放，去珠复还，市列珠玑，流光溢彩，有为南珠文化树碑之倡、用酬遐迩吊古采风者至意。爰于一九九五年春筹建南珠碑林，擘画鸠工，历三年又六月竣事。碑石采自阳朔，镌工聘自湘江，勒碑二百有余，统树于长青公园南苑。夫碑者，古人所以识日景也，后世树碑，行为颂德歌功，志史纪绩以垂教化焉。故碑文所蒐，首列南珠篇什，旁及山川形胜，地方掌故，历代惠政诗文。书法精选华夏今贤墨宝，东瀛书家手迹亦附丽其中，书体备篆隶楷行草，风格杂刚柔雄秀奇，廉州古碑之堪传者，亦摹刻分存之。寓地乘于书艺，铭声教于碣石，读碑者将有兼得焉。昔龚定庵有“长恨南天金石贫”之叹，则此举差补其阙，且为海隅添一旅游景观，贻文化瑰宝于后人，意旨至善至远也。

中共北海市委员会北海市人民政府 立

一九九八年七月六日，广西文史研究馆馆员

副编审，北海黄家蕃撰文并书